



UNIVERSITÄTS-
BIBLIOTHEK
PADERBORN

Collegium Universi Juris Canonici

Engel, Ludwig
Salisburgi, 1693

50. Ne Clerici vel Monachi Sæcularibus negotiis se immisceant.

[urn:nbn:de:hbz:466:1-61596](https://nbn-resolving.org/urn:nbn:de:hbz:466:1-61596)

quis credat, in hac materia ullo modo contumere Pontificem, qui non tantum in d. quamquam. de Censibus. in 6. omnem huiusmodi consuetudinem tanquam corruptam damnavit; sed insuper in Bulla Cœne, singulis annis contra violatores immunitatis censuras pronuntiat.

Plura de hac materia videri poterunt apud Authores per decursum citatos. Et de obligatione legum, & quando statuta Laicorum obligent personas Ecclesiasticas, tradunt DD. in Lib. I. Decretalium in Titulo de Constitut. & nos diximus ibidem in 4. 3. n. 35. Item de iurisdictione fori secularis, quatenus coram eo Clerici contumari non possint, dictum est in Lib. II. in Tit. de Foro competente.

TITULUS L.
Ne Clerici vel Monachi
secularibus negotiis se immisceant.

SUMMARIA.

- 1. Negotia secularia generaliter vitare debent Clerici.
 - 2. Sanguis effusio sive per iudicium sive per chirurgiam prohibetur Clericis.
 - 3. Clerici possunt esse Tuores & Procuratores personarum miserabilium.
 - 4. Officia secularia non videntur prohibita Clericis, qui propter territoria & bona, que sub Principibus secularibus possident, iure seculari aliquo respectu censentur.
 - 5. Notariatus seu Notarii officium qualiter prohibetur Clericis.
 - 6. Ad studia secularia, scilicet Legum, Medicina, an & qualiter Clerici possint admitti?
- N**emo (ut inquit Apostolus. 2. ad Timoth. 2. 4. militans Deo implicet se negotiis secularibus. De quo proponitur presens titulus. Atque in c. 1. hoc tit. inter negotia secularia ponuntur pleraque, que supra Tit. I. Clericis evitanda di-

ximus. Et præterea in c. 6. prohibetur, ne causa lucri negotientur; quod DD. intelligunt de negotiatione continuâ ad instar Mercatorum. Barb. in Collect. ad d. c. 6. Item in c. penult. eod. tit. vetatur, ne Clerici dicent, aut proferant sententiam Sanguinis, nec vindictam Sanguinis exerceant, nec, ubi exercetur, intersint, nec literas dicent, vel ulli scribant pro vindictâ sanguinis, aut viris seu Executoribus sanguinis præponantur. Neque etiam artem Chyrurgie, quæ aduisionem, vel incisionem inducit, exerceant. Quando verò ex similibus contrahatur irregularitas in Lib. V. tit. de Homicidio. commodius tractabitur. Et an Clericis interdicta sit Chyrurgia, vel medicina absq; aduisione vel incisione, vid. Sanch. in Præcept. Decal. tom. 2. lib. 6. c. 14. n. 17.

Quod autem in c. 2. & 5. h. t. prohibetur, ne Clerici sint Ministri, Procuratores, Vice-Comites, Præpositi aut locum tenentes Sæcularium, patitur limitationem circa personas sæculares miserabiles ut pauperes, pupillos, viduas & similes, quarum personarum tutelam & defensionem Clerici non tantum licet, sed & laudabiliter suscipiunt. d. c. 1. h. t. c. fin. dist. 86. Deinde hæc prohibitio suo modo limitanda est circa Prælatos Ecclesiasticos, qui sub Imperatore, vel alio Principe terras & bona temporalia possident, ratione quorum non secus ac alij Domini sæculares ad Comitatus & Consilia vocantur, & ibidem diversa officia suscipiunt: cum enim talia officia maximè cedant in utilitatem Ecclesiarum, in quarum præjudicium aliàs per Dominos sæculares nonnunquam multa inducerentur, ideò non est verisimile, quòd SS. Canones prohibere voluerint, sed potissimum illa, quæ causâ privatæ avaritiæ cum neglectu divini servitij ab Ecclesiasticis suscipiuntur, ut ex d. c. fin. dist. 86. colligitur.

Præterea quod in *c. sicut. s. b. t.* statuitur, Clericum officio tabellionis seu Notarii fungi non posse, intelligendum est circa forum seculare, & actus merè seculares: in foro autem Ecclesiastico, & circa causas ac negotia spiritualia etiam Clericos hoc officium exercere posse, magis receptum est. Porro si Clericus aut Religiosus ante Religionis ingressum legitime Notarius creatus contra prohibitionem juris instrumentum fecerit, antequam sibi exercitium hujus officii a superiore interdictum fuerit, valere tale instrumentum, eò quod irritatio ejus in jure non reperitur, communior est sententia eum Panorm. & Barb. *in eod. c. s. b. t.*

Demum quod *in c. 3. & fin. b. t. & in c. 1. eod. in 6.* non tantum negotia, sed etiam studia secularia interdiciantur, ne scilicet Cle-

rici & Religiosi in publicis Universitatibus *Leges Civiles*, aut *Physicam*, id est, *Medicinam* audiant, volunt DD. hac constitutione poenali & stricta interpretatione non comprehendi illos, qui privatim ad majorem intelligentiam juris Canonici, qui in plurimis scientiam juris Civilis supponunt præcipue circa contractus, hereditates, & legibus student: Item nec eos, qui in seculares dicta studia absolverunt, & deinde Clerici gradum accipere volunt Barb. *in c. 3. & fin.* Denique in multis Universitatibus, sicut & in hac nostra Salisburgensi per privilegia Papalia ista prohibita relaxata est, ut Clerici & Religiosi ad lectiones juris Civilis admitti possint.

FINIS LIBRI III.

